

Bosna i Hercegovina
Federacija Bosne i Hercegovine
Tuzlanski kanton
Grad Gračanica

Broj: 02-24-05005-1-2024

Datum: 27.12.2024.godine

U skladu sa Odlukom o pretpostavkama, načelima i načinu izrade Programa kapitalnih investicija grada Gračanica, Grad Gračanica, o b j a v l j u j e

J A V N I P O Z I V
za dostavljanje Prijedloga projekata za investiranje kod ažuriranja u 2025.godini
Programa kapitalnih investicija grad Gračanica sa Planom realizacije 2021.-2025.

O projektu

Grad Gračanica je pokrenuo aktivnosti na ažuriranju Programa kapitalnih investicija Grada Gračanica (PKI grad Gračanica). Program kapitalnih investicija Grada Gračanica sa Planom realizacije 2021-2025 predstavlja petogodišnji plan razvoja Grada i poboljšanja standarda u sferi upravljanja javnim dobrima. Pod pojmom kapitalne investicije podrazumijeva se projekat koji zahtijeva veća finansijska ulaganja i čija realizacija traje duži vremenski period. Kapitalna investicija predstavlja novostvorenu vrijednost koja utiče na poboljšanje društvenog standarda odnosno ostvaruje javne interese. Po provedenim aktivnostima će se ažurirati usvojeni Program kapitalnih investicija grada Gračanica sa Planom realizacije 2021-2025. koji se svake godine ažurira.

Da bi Koordinacioni tim mogao provoditi aktivnosti na ažuriranju PKI grad Gračanica podsjećamo Vas na odredbu da vrijednost prijedloga za investiranje ne može biti manji od 10.000,00 KM i na usvojene kriterije za ocjenu prijedloga razvojnih projekata zajednice i dodijeljenu težinu-broj bodova svakom kriteriju.

Kriteriji

Koordinacioni tim će odlučivati samo o projektima koji su u skladu sa nadležnostima Grada i Strategijom razvoja Grada Gračanica i koji ispunjavaju najmanje jedan od slijedećih kriterija:

R.b.	Kriterij	Bod/kriteriju
1.	uticaj na gradski ekonomski razvoj	20
2.	uticaj na zapošljavanje i dugoročna samoodrživost projekta	20
3.	teritorijalna širina i korist	15
4.	spремnost stanovništva da vlastitim sredstvima sufinansira projekat	15
5.	obezbjedenje sredstava izvan budžeta grada	10
6.	donosi nove budžetske prihode	10
7.	stepen ulaganja grada na tom području u prethodnom periodu	5
8.	ekološki uticaj na okolinu	5

Pravo i uslovi predlaganja projekata za ažuriranje PKI grada Gračanica sa Planom realizacije 2021-2025:

- Pravo predlaganja projekata za izradu i ažuriranje Programa kapitalnih investicija imaju svi građani, udruženja građana, predstavnici mjesnih zajednica, privatni preduzetnici, predstavnici administrativne službe i ostali subjekti;
- Osnovni uslov za predlaganje projekata za izradu i ažuriranje Programa kapitalnih investicija je da se radi o projektima sa procijenjenom vrijednosti većom od 10.000 KM i da su obrasci za predlaganje projekata potpuno popunjeni. U suprotnom prijedlozi projekata se neće razmatrati;
- Ne mogu biti predloženi projekti koji su već uvršteni u Program kapitalnih investicija.

Nosioci aktivnosti

Glavni nosilac ove aktivnosti je Koordinacioni tim za izradu i ažuriranje Programa kapitalnih investicija, kojeg je odlukom imenovao Gradonačelnik Grada, a u kojem su zastupljeni predstavnici svih interesnih grupa. Koordinacioni tim za izradu i ažuriranje Programa kapitalnih investicija je usvojio set kriterija na osnovu kojih će rangirati pristigle prijedloge projekata, što će služiti za redovno svake godine ažuriranje usvojenog

Programa kapitalnih investicija grada Gračanica sa Planom realizacije 2021-2025. Usvojeni kriteriji su usaglašeni sa Strategijom razvoja Grada Gračanica.

Mogući podnosioci prijedloga za investiranje

Prijedlog za investiranje mogu podnijeti: građani pojedinci, udruženja građana, mjesne zajednice, nevladine organizacije, poduzetnici, privredna društva, gradske službe za upravu i svi drugi koji predlože projekat od interesa za veći broj građana.

(Svi podnosioci Prijedloga za investiranje popunjavaju samo I stranu jedinstvenog obrasca)

Preuzimanje obrazaca

Potencijalni predlagači obrazac Prijedlog za investiranje mogu preuzeti na slijedećim adresama:

- u prostorijama Šalter sale (šalter informacije) Grada Gračanica,
- u prostorijama Službe za poduzetništvo, lokalni razvoj i finansije,
- u prostorijama mjesnih zajednica grada Gračanica,
- obrazac prijedloga za investiranje bit će objavljen na web stranici Grada Gračanica www.gracanica.gov.ba.

Popunjavanje obrazaca

Svi podnosioci Prijedloga za investiranje popunjavaju samo prvu stranu jedinstvenog obrasca, a drugu stranu službe Gradske uprave Grada Gračanica.

Predaja obrazaca

Obrasci prijedloga za investiranje dostavljaju se:

- direktno predajom u prostorijama Šalter sale nove zgrade Gradske uprave Grada Gračanica, ul. Mula Mustafe Bašeskije br.1., svakim radnim danom u terminu od 07:30 do 15:30 sati, ukoliko se obrasci predaju u zatvorenoj koverti obavezno upisati naznaku „PKI-Koordinacioni tim“ ili
- putem pošte na adresu: Grad Gračanica
Služba za poduzetništvo, lokalni razvoj i finansije
Mula Mustafe Bašeskije 1
75 320 Gračanica
sa naznakom: „PKI-Koordinacioni tim“ ili
- na e-mail: l.colo@gracanica.gov.ba i/ili m.sabic@gracanica.gov.ba

Rok za podnošenje prijedloga

Rok za podnošenje Prijedloga za investiranje je u svakim radnim danom od **08:00 do 15:30 sati** periodu od **27.12.2024.godine do 20.01.2025.godine do 12:00 sati**.

Koordinacioni tim uzet će u razmatranje samo one prijedloge koji budu u cjelosti popunjeni i koji pristignu u navedenom roku.

Ostale informacije

Usvojeni Program kapitalnih investicija sa svim podacima o uvrštenim projektima građani mogu pronaći na web stranici grada Gračanica www.gracanica.gov.ba, (grad-> Strateški dokumenti -> Program kapitalnih investicija grada Gračanica sa Planom realizacije 2021-2025)

Za sve dodatne informacije u vezi popunjavanja i predaje obrazaca možete se obratiti Službi za poduzetništvo, lokalni razvoj i finansije Grada Gračanica:

- kancelarija br.1. I sprat nova zgrada,
- pozivom na telefon broj 035 700 825,
- slanjem upita na e-mail l.colo@gracanica.gov.ba,
- kontakt osoba je sekretar Koordinacionog tima Lejla Čolo, BA ekonomije.

Predsjedavajući
Koordinacionog tima za ažuriranje
Programa kapitalnih investicija grada Gračanica
sa Planom realizacije 2021-2025
GRADONAČELNIK

Sadmir Džebo